

VOK DE NEO

T O T U N O S I X A ??

Em lo nuva formal inte Neistos ut spi es to gar ben, chet :

- lo s a n bona
- echos sukcesar
- kondiscos de viv plar
- impostos nor tra o f a , nor tro alta ...
- sem belvedar (as note in Belgo !!)
- AMIKESO sem e toye ezistar (sar it ben vera ?)

(por kortaleros :) - l'amo sem uche kreskar

- (por gespozos :) - l'amo nok p e r m a n a r
- l'infancs satisfar da tot vidopuntos
- nil plendos pri bomatro

ENDE e SURTE : - tu ar somyes gran po ridi o r i d e l i

Ete, NO GAR BEN nel melesta del mondos !

=====

Van tu richar et gazet,
var tu pli me skribi nur som vortos ?

Nel kafè

- Du gros, matene.
- Du siros in un bar.
- Chi me, ma liba, askar lo prima,
ke dichar va spozin van vu
domelar tan tarde ?
- El par me chi nilo, den mi
no marlat !
- Mo alor, es vu no marlat,
KUR vu domelar tan tarde ?

L'oranjo

Et bofilyo sar obligat suporti
sa bomatro l'enta id,
e il vere m a l i x a .

- Seryes, domelande, il chir :
- Bomamà, tu ar ben chat yer
tu dur lo dim de ta viv po
UN oranjo ? - Ya, kur ?
 - Em, mi te en sportir DU !

S A T E L I T O S

Un finlandia jornal rakomandir a sa lejeros un
satelitos-koktel as nuva drink alkola. Lo richepo sar :

"So pri un glae, pleni le dime kon wiski, dime kon seltsakuo. Dan so
"bi dime lo mixazo e emplu kon wiski pura. Anuve so bi lo dima glas
"e emplu kon wiski.

Et prosed forfolgenda us so udar muy klare :

" Pip-pip-pip-pi-ii-iii-pp " .

E nun, var nos ridi epe ?

N A P O L E O N yes presidir un riun de generalos ed oficheros,

Kitande lo salyo, il gir al mantoyo, ut pri sa vest,
Mo - kauze sa lot statuz - il no pir atangi lo krok,

Un intel oficheros vidande lo duf del imperator, nirir e le dichir :

" Tu permi, Sir, ke mi pri ta vest, den mi plu grana as tu ? "

Pungat nel viva, Napoleon asilke rispir :

" Forse PLU L O N G A, sir, NO plu grana ... "

Et anchel ande trovat un skelat lok ut skeli la ekonomios

il ye pendir un skribel : " Ik abitar gufos ! "

Mo lo klevol anchelin skoprir lo skeluyo,
prenir lo denge e ye skribir :

" Ik abitar gufos ! "

Van l'anchel konstatir lo furto,
il onde skribir :

" Ik ni nok abitor gufos ! "

FORSE AN VU KONUR UN BON ELAGO = Es va it sendar a mi, mi kon plazo

it kopor po vu nel nara numbo de " VOK de NEO ",

Van vu it sendar, ver vu pli yo adi un papel, skribande es vu
var mi indiki va nam ed adres (o no ?). Dank !

v v

Es tu no ar mul temp po korespondi, dan nur sityes (6 x)

PLI SULINI LO DEZENDA :

L I B

Patro

Mamà

Frat

Sor

Amik

Neist-in

Alev-in

Totunos

V E D

glaza

plona de solyo

tropika

trista

muy bela

mala

nostabila

MI ME SENTAR

as un roy-in

ek proek

kontenta

sola

in plen formo

as kastelye

MI DEZAR

reponazo

vento

solyo

te

plu denge

un kapotyó

un varm-ondado

I K T O

magnifika

monotona

paradisye

piza as domye

us disperi

fantastika

as in kokanyoland

S A L U T O S A

tot famil

n i l u n

tot kolegos

tu sola

ma lib ...

al infanos

TOTUNOS

.... Ye folgar nok un folyo !

Lo temp del kirselos

Al valora chivin Louise, ambulansin del
Veo Fontaine-au-Roi, Dominko 28 meyo 1871

Van venor po nos lo temp del kirselos,
E lo gada usnol e l'merle mokera
Sor tos dan in festo,
Lo belinos or foleso nel kap
E l'inamorat or solyo nel kor.
Van po nos venor lo temp del kirselos,
Ben mele siflor lo merle mokera.

Mo ben kurta sar lo temp del kirselos,
Van deye so gar kolgeti sonjande
L'orelpendelos,
Kirselos d'amor al robos parelya
As gochos de sang sul folyo kadanda.
Mo ben kurta sar lo temp del kirselos
Koralya in sonj pendelos kolgat.

Van venor po tu lo temp del kirselos,
Es tu dan timar lo penos d'amor,
Evi tu l'belinos.
Mi, ki no timar et penos kruela,
An mi no viver sen sofri som id.
Van venor po tu lo temp del kirselos,
Taturne shagren d'amor tu konor.

Mo sem mi liber lo temp del kirselos :
Ab yen tempo sar ke in kor mi servir
Un pyago nok apra,
E Dam Fortunin, es ofrat me sur,
Ni Dam Fortunin pur kalmi ma dol.
Mo sem mi liber lo temp del kirselos
E l'seven ke in kor po sem mi servir.

(les:) J.B. Clément.

it no brilar po eos ki laborar grubye
eos ki dixalar lo peshos
eos ki edar mala karno
eos ki fabrikar kaploepilos
eos ki soplar voda lo flasos k'osunos bor plena
eos ki kotar lo pan kon za kotil
eos ki pasar za vakansos nel uzinos
eos ki no spar lo dichenda
eos ki mungar lo vakos e bar nil lakto
eos ke so no dormifar shel dentist
eos ki sputar za pulmos nel metroh
eos ki fabrikar nel kelenos lo stilyos kon keos osunos
skribor in frid er : " to gar ben "
eos ki ar tro dichenda ut pi le dichi
eos ki ar labor
eos ki no en ar
eos ki en kirar
eos ki no en kirar
eos ki dar a bi al ipos
eos ki mirar za kanyo morti
eos ki ar lo shakida pan rile veka
eos ki yeme se varmar nel klezos
eos ke lo portyer sendar se varmi exe
eos ki stanyar
eos ki vur odi ut vivi
eos ki travelar sul rotos
eos ki mirar flui lo Seine
eos ke so imegar, ke so dankar, ke so pluar, ke so minar,
ke so manipular, ke so skavar, ke so asomar,
eos dey so prar l'improntos
eos ke so far exi dal rangos azardale e ke so fuchilar
eos ke so far fildi ante l'Arko
eos ki no spar teni soself nel enta mond
eos ki ni vidir lo mar
eos ki odorar as len pes zi laborar len
eos ki no ar fluak
eos ki sar voxat al blu orizon
eos ki jokar lo sal ol nev meze un salaryo absole ridocha
eos ki oldijar plu vit as osunos
eos ki no se basir ut kolgi lo spil
eos ki lasonar pe nugo dominko-domide
per zi vidar veni lo lundo,
e lo tud, e lo mirko, e lo jov, e lo venso, e lo sab
..... e lo dominko domid.

(Les J. Prévert - PAROLES/Vortos)

An vu ! Apreni NEO e nun skribi som vortos a :

Pierre N O T A E R T S
Galgstraat 89
SINT-PIETERS-LEEUV-1 (Belgo)

Editer

VOK DE NEO

" NO NESAR SPERI PO EMPRENI, NOR RIUSI PO PERSEVI " Wilem lo Sila.

UN KORDYALA BONID A TU E A TA FAMIL !

Kom gar tu, kom gar tos ? Pli me en sendi som novelos....

Spar tu, tu un om ixa ? Inte lo tre milyardos de ter-abiteros mi TE ar elgat po te sendi et senyo de joy e d' A M I K E S O .

Ja nur po eto, ta idado sar un BON IDADO.

Mi uske sperar dun tu lejar ma let jornal, tu pokpoke jar un optimist as miself !

Kur donk si sem trista pes primaver ja endat o nonok ar ensat ? Mo erso sar ja ante na pordo e yem venor nok plu vit.

Tu ar nil temp nor gusto ? KE VIKAR ! Ensi NUN e studi atense NEO

INTERNASYONA ESEL DE KOMPET PRI ELEFANTOS

Lo Fransan

" l'amoros d'un elefant "

L'Anglan

" l'elefantos ke mi abatir ..."

Lo Doycan

" elefanto-shenso (prima part !)"

LO MATRO-TARMO

korajar sa shendol edi la koprel promande a il som vizon ki folgur.

UN KURYO ENSEMANDA SKOLYE

felicitar un alev epe tro self-satisfat kol suxes de la esfortos nel kolto d'un teren neglat dep long.

- Ya, tu raga si fyera, Pedro ; mo tu no darfar obli danki an Deo po la parpren !

- Oh, mi spar eto, rispир lo boy, - tu ur it vidat es it sur e n t e lo la !

Et tre last blagos sir amable sendat pe :

Sir D.S. B l a c k l o c k autor de T U N I S H
Little Knoll, West Chilmington Common,
Pulborough, Sussex - A N G L O .

SOM ASKOS DAL EDITER ILSELF :

1° - ma issitanyo filyo, namat H U G O , elekrer e ki nun studar elektromekanic ricur plaze som profesa informes (an ELEKTRONIO)

(Pli skribi a il - adres sama as lo mia)

2° - miself interesar pri astronomio, interspasa e interstela travel. KI me skribar pri eto ? (P. Netaerts, Editor)

Pinti prime un kajo
 kon un apra pordo
 pinti doe
 somo nusa
 somo simpla
 somo bela
 somo utila
 pol ezo
 plasi doe lo tel apse un arb
 in un garden
 in un forest
 Se skeli drel arb
 nilo dicande
 sen movi ...
 someyes l'ezo arivar vit
 mo il par asben pri long anyos
 pre se desidi
 No se dikoraji
 atendi
 atendi es nesar dun anyos
 lo vit o lo lenteso del arivo del ezo
 ande nil raport
 kol riusò del pintayo.
 Van l'ezo arivar
 es il arivar
 servi lo plu profunda sil
 atendi ke l'ezo entri nel kajo
 e van il ar entrat
 klili laze lo pordo kol pintil
 doe
 kansì uneye lo bargelos
 zorgande toki nil plum del ezo.
 Fi doe lo portret del arbo
 elgande lo belesta de la ramos
 pol ezo
 pinti an lo verda folyen e lo freskeso del vent
 lo polvo del solyo
 e lo rum del bestos, del erb nel zom-kalor
 e doe atendi ke l'ezo se desidar kanti.
 E es l'ezo no kantar
 sar mala senyo
 senyo ke lo pintayo sar mala
 mo es il kantar sar bon senyo
 senyo ke tu darfar sinyi.
 Alor tu racar tolaze
 un del plumos del ezo
 e tu skribar ta nam in un uk del pintayo.

Jacques Pr é v e r t

LO DEZO DE VIVI

Jak e Josef sar amikos.

Jak rakontar a Josef il ar gat shel mediker.

- Mo tu NO egra, car Josef.

- No, - mo lo mediker dok SHAR VIVI.

E benkompreno lo mediker ar ordonat un medikayo

Doc, Jak ar gat kofi et medikayo shel farmakist.

- Anuve, Josef rimarkir, tu no nesar lo medikayo, den tu NO egra !

- No, no, - Jak yazar - mo an lo farmaker SHAR VIVI.

Van Jak nun domelat, il jekir lo medikayo.

- Kur tu agar ete ? - Josef askar.

- Tosimple -nun Jak endar - den AN MI, mi var N O K V I V I ! !

oo

LO K R A B O N

V A N ...

Il car NO kol kap
mo il car ya kol kor
il car ya a lo k'il amar
il car NO al profesor.
I l s t a r
so le kestyonar
e tot problemos sar pozat
soden lo folrid le fengar
e il kansar TO
lo cifros e lo vortos
lo datos e lo namos
lo frazos e lo traplos
e gre lo minaxos del maestro
sul unses del prodijinfenos
kon kregos de tot farbos
ol NERA tabel del MALIX

Van lo leonol dijunar
lo leonin yunar
Van lo fok riklamar sa part
lo ter rubar
Van mort le parlar d'amor
viv fremar
Van viv le parlar de mort
amor ridelar.

J. PREVERT

il desenar lo VIZO DEL I X .

Jacques PREVERT - Paroles (VORTOS). (Pluv e Belved)

RESPONSABLA E D I T E R :

Pierre N O T A E R T S

Galgstraat 89

SINT-PIETERS-LEEUV-1 BELGO

=====

NOVEM 1963

Apreni sem

VOK DE NEO

Si sem ridande...

vvvvvvvvvvvvvvvvvvvvvv

vvvvvvvvvvvvvvvvvvvvvv

Van tu rakontar, fi it plaze. Em un bon ezemplo.

Un anekdot vo mi adsir

VAN ? Kelyes, somyes ? No, no ! S e r y e s

VO ? Kelye , somye ? Anuve : nà ! In un cerko, donk cerkye.

Ki sir lo luder ? Kelun, somun, sertun ?

Ende nokyes, NO, mo tosimple un SIM = un cimpanzeo.

Pli no rideli etyes : ya, na frat de tos !

Lo cimpanzeo entrar nel aren e gar torekte ver un spekter sidat in un palko. Et spekter werir un kepih.

Lo cimpanzeo donk nirar e dar a il lo man (...lo zampo !)

Do, il se sidar antel tablo ol sidil. IL SONAR

Lo garson arivar e askar lo k'il dezar.

A ya, esklarar lo garson ; il dezar toprime som sup. Il donk en aportar.

Kalme e grave, lo sim degustar lo sup, kol spun, pli! Il anuve sonar.

Lo garson revenar, tular lo voda supinil.

E em il ja venar kon terpomos, karno e legumos.

Lo garson no oblar di an a na amik un forkel e un kotil.

E, sem kalme e kon appetit, lo cimpanzeo dekotar lo karno meze lo kotil prenande lo pyes de karno pel forkel. (AR TU JA VIDAT T A L O ?)

Mo il ju ar ensat edi lo terpomos, il interompar e sonar insiste.

Ya, ya, rufar lo garson, mi obliir l'uza glas de rubvin.

Ilke lo garson venar kol glas plena e lo sim it vodar unorse.

Doe, lo desert sar aportat. Som pasten, sendube.

Na amik it vorar kon vidibia satisfo.

Sata, il se karesar lo ventro.

Lo menso endat, il far segno k'il dezar fumi.

Lo garson lu prezentar ilke un sigaretuyo ; il en prenar un, axeptar un alumil-box e riusar, dose muy able, alumni lo sigaret meze un d'et alumilos.

Dune, il se ir instalat muy komfortable in un longsidil pripat etintente.

Dun il fumar paxale, il gozar visible de sa okup, lande skapi lo fum pe sa narenos, e formande ete nel er let fum-cirkos.

Vit il ar endat fumi l'enta sigaret, dey il kure deponar lo megot in un sinil ki sar ol table.

MO IL R I S T A R S I D A T .

E ben, l'amik, car lo garson, eto tu far NI, risti sidat van menso endat !

MO EM LO P L E K :

Sodene lo cimpanzec mirar um so e il plaudar, lo ki mindar :

VU TOS nonok me ar plaudat ... L'adseros komprenar e rume plaudar.

D U F

Shak om reensar l'omeyo.

- Un let infan sar parelya, mulelte, ai un de na dus avelos, apene exenat dal animaleso primitiva, Gradeye it avansar nel viv, it prar konsho del exa mond kol sam marvados e lo sam teroros ja konat yo mileyos de seklos, pel almo del prima seo ki sir dinya del nam d'om.

Miri le admirande, adorande lo lum, derkande ver it la okos nok velyat, it porgande sun la brasos, it voxande un kulto salutande kon un kulto naiva e ferwa, Un infan sar un vereda idolatrist : lo fok sar la suprema deo, Dose, il dear to ki lu parar bela, grandyoza e nokomprenibla, Il s'afrrar pe un rum tro klamora, pe un jesto tro bruska, pe un vort tro viva, Il ar pav del ombro, de solemo, d'abandon.

Et kam, vo tu ja le lir sola un instant, sar po il, dep il se ye vidar sen gardar, un lok timenda, plena d'imboskados e periklos,

IL PLORAR,

IL RUFAR ,

IL PEDENTAR.

So akursar.

So lu dicar :

- Mala bimbo ! Sem nesar so sti nir il ! Sar il donk no ben ik, in et bel kam, plena de moblos konat, nir un bon fok ki spansar un dulka varmo ?

- NO, il ye no sar ben, den il ar pav.... Il timar TO ; et profunda klezoyos, et sidilos, et tablo a keo of il ar urtat sa let fronto.

Il sar, in et kam, as lo vilda nel gran forest virga ...

An etun timar to ki l'umar : l'imensa arbos, lo bushos spesa in keos se skelar lo pridobestos e us lo mistera sil ki parar toye veni ver il ut l'interadi in sa plikelos briva.

SHAK OM, MI DICAR, R E E N S A R L'OMEYO.

UN JENTELMAN entrar in un bar e askar du wiskis.

A va san ! Il en bar un.

A va san ! e lo jentelman bar l'osa.

ETO DURAR TRE VEKOS.

Lo bos e lo barman - intrigat - decidir le aski kur il askar du wiskis.

Lo jentelman rispar :

- Mi ar un amik in Sudamerik e shak id nos bar un wiski e na rispektiva san.

Un mes piu tarde,

lo jentelman entrar e askar nur un wiski.

Lo barman e lo bos mirucar, no komprenande.

Dan lo bos al jentelman :

" Me skuzi, Sir, somo NO gar va amik ? "

Oh no, rispar lo jentelman, nur po miself mi noplue par bi ...

(= il donk nok bar lo glas de sa amik !)

(Soven d'un bon amik L.C.)

L'infanos ar to, eske lo ke so tular e zi.

J. Prévert.

Tan amor in un tan let kor. (JANINE). To sar perdat, eske IX. (Prévert

- Pli me skuzi, sir Derker, po ma ritardo. Mi dormir tro long !
- Ke ! tu AN dormar domye ?

U Z I N Y E

Du opreros far nilo.

Lo bos pasar e askar al un : KE far tu ?

- Mi, mi far NILO.

e lo bos askar al osa : E ke far TU ?

- Mi, mi E L P A R ma kamared !

L O S U T O S

- Mo em tu werar du def sutos : un nera e un bruna ...

- Ten, mi ar domye nok un t a l a d e y o !

E N O K Y E S S U T O S ...

Et lib Dam dezar sutos leta exe, mo grana ine
den el ar un puntur exepa.

~~~~~

Ki vur amable korispondi kon ma bonisima amik :

Sir Hermann F R E B E L (588) Lüdenscheid, Parkstrasse 13 D.B.R.  
Sar un otisun-anya Idist ki kompremar e ize skribar plu linguos :  
Doical, Ido, Italyal Fransal, Anglal, mo vu par an skribi a il  
nee (= in NEO). Il korispondar kon kel nasyoneso.

~~~~~

Dezar korispondi in fransal, Esperanto o Neo pri problemos politika,
sociala e interlinguistika, prife kon socialista landos : W. GILBERT
30, rue Croix-Montoire, Saint-Symphorien (Indre et Loire) FRANSO.

Damel dezar korispondi kon un o du ensanda Neistos :

N. VERNEULEN, 17, avenue Seghers Bruxelles-8 (BELGIQUE)

Sr.G.GRUMIAUX dezar korispondi kon un o du xena Neistos

(4, avenue des Dames Blanches - Bruxelles-15 BELGIQUE)

KI vur sendi SOM STAMPELOS a na bon amik n e i s t

Sr. Takashi Hosoda 2'730 Muneoka - Adachi-Machi
Kitaadachi-gun Saitama, JAPAN.

Kom vedar ?

Oje belvedar ! (Oje belved 1)

Ved sar po ji bela.

Nos or un bel idado.

Tanmele, den yer ved sir nokonstanta e varyibla.

Mi it ar akorgat ; mi ar sat sorprenat pe un akuon/pluvon
e banonat/trubanat us ostos.

Tu ir donk nur pluvil/ombrel, nor mant/survest/palto ?

Lo cel sir tan bela ke mi ir prat nil prekauto fartande.

Ya, mo ved sir ceva, varmo sir akablifa e ye sir nel cel som
let nubos kupra ki anonsir orago.

Mi krir zi se disipor.

Tu ar kontat sen ta ospo.

Vey, ya. Sodene lo vent soprir, lo cel se koprir kon gros nubos
e un pluv derota mixat kon grel venir me kolpi.

Pov amik ! E vo sir tu yemomente ?

A un semilyogo dal urb, in plen kampen.

Tu pir donk no te abrigi ?

Noposibla. Ye sir ben som nuceyeros nel feldos, mo tu spar kan
sar danga rifugi su un arb dun orago.

Mo alor tu ar ricat l'enta akuon ?

C e r t e !

Adi a eto ke eklos e dondros suxedir sen rilax e ke lo vent
me prir ma. c a p .

Un malox ni venar sola. (ni oxar sola).

Mi kursir dre it e mi ir l'ix it stopi tande ma ped sure.

Exela mezo po di un formu originala a sa cap !

Tu ridar ; mo mi no ridir. Mi sir aranjonat as un furter :

ma sutos noplue tenir a ma pedos, ma pant alba sir krotat
us lo zunos, ma kaplos pendir as kandelos e ma cap
formir un diversel.

Tu shir si bela videnda ?

No sar t o .

Nok un malaventur ?

Ben nesir domeli.

R a g a .

E noposibla tri un k o c .

Eto koncepibla.

Sodene l'orago cesar as pe inkant.

I x e !

Lo nubos disipar, lo solyo reparsar, akos fluar e evaporar.

Em tu salvat.

Krar tu ? ditrompi te .

Apene l'orago sir pasat, un ful de promeneros oxir dal urb
e se spansir ol kampen.

Nilo plu plaza as promeni do un orago.

Ya, mo nilo plu malplaza as si vidat pe sa amikos e konelos
van so aspar as mi sir.

Mo nokyas, kur tu no ir prat un p l u v i l ?

Per mi no var i lo videl d'un maestro dorfoskola.

Pror tu minste un liva zompalto ol brae, es nos exor sun ?

No, sar tro zenifa.

Endale, ma amik, tu nomendibla.

Numbo K U I N

5

VOK DE NEO

NATAL-NUMBO

Decem 1963

LIGO de BONUMOR e KUR de GADES0

Van tu ensar leji et jornal,

TI TA ZORGOS ON UN MUK E SIDI SURE!

LO PROFESOR ; "Mo, ma infan, kom oxar ke tu far nil progres in lejo ?
A ta ajo, mi lejir korsale primavide ! "

L'INFAN, naive : "Sendube tu ir un mela profesor as mi ... "

P L I A T E N S I I I

In et numbo nos ensar lo publikazo del 800 baza frazos ne sendat
pe na exela amik Sir G. Vignal (" Amitiés Mondiales ") Ivry, Franso.
Oje, nos publikar 40 frazos, e nos kontinuor same nel folga numbos de
V O K de N E O .Donk, po posedi l'enta serie d'otek frazos,
KONSERVI ZORGE VA VOK-DE-NEO-NUMBOS, ensande pe etun.Do 20 numbos, tu posedor un interesa list d' 800 frazos ,
in keos tu por fi revivi po tu un sam numbo de Neo-verbos.

SAR IT NO UN BON MEZO UT N E A L I PERFE ?

B O N S U X E S !

Sar sem van lo lun sar nireste al ter ke lo granesta tertremos oxar.

L'aglo sar l'ezo ki flar lo plu alte :
somyes il s'elevar us tremil duek metros." Mo tu pensi, let Robert, kanyes so te rakomandir
no ti ete lo fingos nel nazo ! "

" Alor; kur ye sar foros ? "

P A R I S ir nur otmil abiteros in treek sitistre, su Julian ;
treismil in kuinek is, su Klovis ;
ek duismil in mil duek dais, su Filip-August ;
kuinek kuarismil su Luis Iskuar ;
in mil otek kuinisun, lo milyon sir depasat.In mil otek otis un so sir a d u m i l y o n o s ;
in mil nonek kuinis, lo cifro del popleyo vezir TRE MILYONOS ;
precise du milyon otek sepismil.NUN P A R I S abrigar SIT MILYON e DIM abiteros.

Un Dam entrar she un drogist,

- Pli me di lo detergifa X..., lo letesta pak.
- Lo merker luy dar un pak, on keo sar skribat " GRAN MODEL ".
- Mo sar lo plu leta ke mi te askir, dicar lo kundin.
- Akorda, Madam, ye sar TRE modelos,

a) lo supra

b) lo jiganta

e
c) lo grana.

Lo "GRANA" sar lo letesta : sar e t u n mi te ar dat !

AFRIK sar l'unika mondparto ki ar nur UN un-milyon-urb.
Uske AUSTRALYO en ar nun DU.

I N K O N T R O

Du amikos inkontrosar.

L'un askar : " E kom gar domye ? "

"Exela", rispar l'osa. "Etmatin ma fem no volir parli kon mi
..... e mi ar nil gusto ley kontredici".

Lo revolvero del lun um lo ter durar - van so var si muy precisa :
duisnon idos, isdu oros, kuariskuar minutos e tre sekandos.

A S T U T E S O

Madam, a sa spozo :

" Tu sur kontenta es mi te sur fidela as un kanyo ? "

" Nature, ma libin "

" E ben, pagi po mi un kolan ! "

L'ofeste utat Japana expresyon sar BANZAI, lo ki mindar ismil anyos.

EKUADOR posedar l'altesta volkan del mond, notye lo KOTOPAXL,
ki sar sitmil nonek kuaris tre metros alta.

S O P A R E R O R I .

Du siros inkontrosar.

"Ma oldun", dicar l'un, "mi krar tu tre nupsar. Pasvek mi te vidir
kon un fem Bruna, preyer kon un rosin, e etmatin kon un blondin."

"Mo, mi sar muy serya ; akontre, tu no kontarsir ke sir lo sam fem."

Ridi sar lo propa del om, les so car,
mo lo lura sar no plori, eske es so it far intente.

J. Prévert.

Un for sar lo ki NO ezistar, same as un puzo ...
Eseli donk skavi nur un dima puzo

- Lo ke so spar, spi ke so it spar ;
Lo ke so no spar, spi ke so no it spar :
em lo vera sapo. 1.
- L'absentas sem tortar... revenande. 2.
- Lo furteros ar lo rispekto de prop ;
zi nur dezar ke lo prop osia ji lo zia, ut mele it pi rispekto. 3.
- Moderna shenso abandonar lo prov pel absurda pol prov del absurda. 4.
- Lo nugo kon na politikistos sar ke so krar fi za karikatur
dun so far za portret. 5.
- Sar vera ke somyes lo militaras,
dun zi ezajerar lo rila noposo d'inteligo,
neglar s'en sirvi. 6.
- Lo rifuzo de lod sar un dezo de si lodat duyes. 7.
- L'instinto diktat lo dov e l'inteligo fornar lo pretext ut it eludi. 8.
- Militarjustis sar po justis lo ke militarmuzik sar po muzik. 9.
- Nos rizervar na indulgo al visos ki no ne tentadar, 10.
- Tro kurta sar l'instant d'amikeso. 11.
- Lo splendor e lo num del vortos vikar min as za konten. 12.
- Si benzat lo solyo d'os landos ki me far frat de tot omos. 13.
- Tu fi monti lo sang d'un om al vangos pluye as it spansi. 14.
- Nesar inspiri al omos l'amor de vero, esan it no sar za vero. 15.
- Nesar inspiri al omos l'amor de vero, esan it no sar zia. 15.
- Ye sar nil pax, uske nejusta, ki no sar prifenda al plu justa guer. 16.
- Shakun komprenar nur lo k'il retrovar in soself. 17.
- Dici me lo ke tu edar, e mi te dior ki tu car ! 18.
- Lo perfa ospeo sar eo
ki riusar fi l'impresyon a la ospe e ospin zi risentar domye. 19.
- Lo melesta mod ut lerni some, sar enseni it. 20.
- L'amor ver la patrio sar propa a shakun. 21.
- L'orgolas odar orgol - in osunos. 22.
- Yo kan long par it pari dep yer ! 23.
- Un vila pardonar ni. 24.
- L'istor de ma viv sar l'istor de ma kor. 25.
- No spozi lo dot, mo lo fem. 26.
- Eseli vivi tale, ke, van tu mortor, uske lo funerist it rigror. 27.
- MELI L'MOND, ENSI PE TUSELF ! 28.

N A L I = Neo aprenat ludande, - Mi ize lernar neo, - Tu ja ben lejar neo. Il komprenar neo. El adsar al lesonos de neo.

V A R N O S N U N N A L I ?

Em lo kuaris prima frazos inte OTEK FRAZOS

in keos neo vivar po na orelas

1. Ma kanyo abalar po fi pav.
2. Mi abandonar un oida valiz,
3. Mi abatar arbos in ma garden.
4. Tu abimar ta sutos marcande, in ak.
5. Il abitar kampanye.
6. El abrigar un infan su sa pluvil.
7. Lo radikos absorbar l'ak del ter.
8. Nos abutar fonde un empaso,
9. Vu no abuzor kon medikayos.
10. Zi adar ak a za vin.
11. Zel adisar kuar kon kuin e trovar non.
12. Mi admirar lo korajo del pomperos.
13. Tu admizar ke ta kalkol sar falsa.
14. Il adoptir un nuv vivomod.
15. El adsur a un bel ceremon.
16. Dondo afrar plu as eklo.
17. Nos agor oneste in na tred.
18. Vu shar ajiti et medikayo pre it bi.
19. Zi akirar erfar in mest zia.
20. Mi akolgar ma eltros ol peron.
21. Tu akompanar ta amikos us lo pordo.
22. Il akordir du amikos ki disputer.
23. Nos akorgar lo postar on la ciklo.
24. Vu akursar ut salvi un infan in dango.
25. Zi akuzar un furter antel tribunal.
26. Mi albar lo muros de ma farmo.
27. Tu aligur kon ta frat ut tred.
28. Il almenor besteyo al feryo.
29. El almir lo konverso kon vortulos.
30. Nos alumar un olsofok.
31. Vu amar l'er montanya.
32. Zel amuzar un beb kon un pup.
33. Zi anonsar un bon nuvel.
34. Mi aplikemar in ma labor.
35. Tu aplikar un lamp ol mur.
36. Il apogar sa ciklo apsel mur.
37. Nos aportir fud po la kanyo.
38. Vu aprenor lo fransa konyugos.
39. Nos aprar lo pordo de kam nosa.
40. Tu aprovar l'ideos de ta frat.

RISPONSABLA EDITER :

Pierre NOTAERTS

Galgstraat 89

Sint-Pieters-Leeuw-1.

B E L G O .

Origos e namos del textos on pajo TRE : 1. Konfucus. 2. Jean Cocteau. 3. G.K. Chesterton ; 4. S. Butler. 5. Sennep, karikaturist. 6. General De Gaulle. 7. La Rochefoucauld. 8. Marcel Proust. 9. G. Clémenceau. 10. Jean Rostand. 11. Kiwist. 13. Fernando Pessoa. 14. Tertulyan. 15. Jean Guehenno. 16. Erasmo. N.B. - 11a16. KON-AMABLA PERMO DE NA AMIK SIR- H E N R I Q U E Z 1 17. Amiel (1812-1881). 18. A. Brillat-Savarin (1755-1826). 20. Seneca. 21. J.v.d. Vondel 1587-1679. 22. Benjamin Franklin 1706-1790. 23. J. Barric. 1860-1937. 24. Laurence Sterne 1713-1768. 25. Alfred de Musset 1810-1857. 26. Menander (342-291 aKr.) 27. Marc Twain. 28. Ligo sen nam.